

Ռուսիճանին, որ Բիւրֆնի պաշին էր մեծ եպարքոս  
Սուսերեւ փաշայի:

Իր սերունդը մինչև վերջ կ'ապրէր Վանի մէջ  
Ղարաւէֆէրեան անունով (Ս. Լեւոնեան, Բիւզանդիոն,  
Թ. 1931): Մարխաս Չէլէպի, ինչպէս կը տեսնուի,  
անշուշտ վստահ իր ազգականին՝ խոճա Ռուսիճանի  
ազգեցողութեան, տեսակ մը ամենազօր անձ էր Վանի  
մէջ:

Համբարձուժ Երամեան (Յուլիանոս Վան-Վաս-  
պուրականի, հտ. Ա. էջ 18) կը պատմէ, թէ ԺՁ. դա-  
րուն վերջներէն մինչև Թանգիմաթ կամ Կիւլհանէի  
Սաթթը (1839), քիւրտ բէկերու և Պոլիսէն զրկուած  
թուրք փաշաներու խառնակ իշխանութիւններու շրջ-  
անին կային բազմաթիւ հայ ազգեցիկ գերդաստան-  
ներ կամ վանգուլիներ. որոնք երկիրին վարչական  
գործերուն մէջ երբեմն մեծ դեր կը խաղային կամա-  
ւոր կամ ակամայ մասնակցութեամբ գերիշխող փա-  
շային կամ քիւրտ բէկին իշխանութեան՝ յաճախ իբրև  
խորհրդական: Եւ իբր փաստ մէջ կը բերէ վանեցի  
Յակոբ Շահպաղեանի «Բիւրօնայ Պասմուքիւն» գործէն  
հետեւեալ հատուածը, ուր իբր խիստ ազգեցիկ հայ  
կը յիշուի մեր Մարխաս Չէլէպին.

« Օսմանեան տիրապետութիւնը սկիզբները  
չատ անհաստատ է եղեր. ուստի և Օսմանցիք տեղա-  
կան ուժեր կը կազմակերպէին՝ Վանը և Բիւրաթիս-  
տանը (հարաւային գաւառները՝ մինչև Մուսուլ) Պար-  
սից յարձակումներուն դէմ պաշտպանելու համար: Այդ  
ուժերուն կը հրամայէին Վանգուլի ըսուած հայ և  
մասամբ քիւրտ երեւելիներ և իբրև աւատառու գե-  
րիշխան պետութեան:

« Կը պատմուի թէ վանգուլիներէն ոմանք,